

Na osnovu člana 99. stav 3. Zakona o upravi („Službeni glasnik BiH“, broj 32/02 i 102/09), a u skladu sa članom 108. stav 7. Zakona o javnim nabavkama („Službeni glasnik BiH“, broj 39/14), Ministarstvo finansija i trezora BiH, d o n o s i

**INSTRUKCIJU
O NAČINU UPLATE, KONTROLE I POVRATA NAKNADA PROPISANIH
ČLANOM 108. ZAKONA O JAVNIM NABAVKAMA**

**Član 1.
(Predmet instrukcije)**

- (1) Ovom instrukcijom propisuje se način uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj 39/14, u daljem tekstu Zakon).
- (2) Članom 108. Zakona propisana je visina naknada koje se uplaćuju na Jedinstveni račun trezora BiH u postupku pokretanja žalbenog postupka kod Ureda za razmatranje žalbi BiH (u daljem tekstu URŽ).
- (3) Propisana visina naknade uplaćuje se u KM (konvertibilna marka) u zemlji ili u devizama za uplate iz inostranstva u protuvrijednosti propisane naknade.

**Član 2.
(Način uplate naknade)**

- (1) Uplata propisane naknade u KM vrši se u skladu sa Naredbom o uplatnim računima za administrativne takse („Službeni glasnik BiH“, broj 19/14).
- (2) Uplate propisanih naknada iz inostranstva vrše se u protuvrijednosti propisane naknade na sljedeći račun:

Intermediary Bank / Correspondent Bank

SWIFT-BIC: DEUTDEFF
Name: DEUTSCHE BANK AG
City, Country: FRANKFURT AM MAIN,
GERMANY

Account with Institution / Beneficiary s Bank

SWIFT-BIC: CBBSBA22
Account Number: 100935962100EUR
IBAN: DE81 5007 0010 0935 9621 00
Name: CENTRALNA BANKA BOSNE
I HERCEGOVINE
Address: MARŠALA TITA 25
City, Country: SARAJEVO, BOSNIA AND
HERZEGOVINA

Beneficiary

IBAN: BA39 000 003 0000000145
Account reference: 06411
Name: MINISTARSTVO FINANSIJA
I TREZORA BIH

Address:
City, Country:

TRG BIH 1
SARAJEVO, BOSNIA AND
HERZEGOVINA

NOTE:

Corespondent bank for DEUTSCHE BANK AG F/M for USD payments is DEUTSCHE BANK TRUST COMPANY AMERICAS N/Y (SWIFT:BKTRUS33, ABA:021 001033).
In all payments please quote **account refernece**

- (3) Za uplate iz inostranstva na nalogu je obavezno navesti klauzulu da bankarski troškovi i troškovi konverzije padaju na teret uplatioca

Član 3.
(Kontrola uplate naknade)

- (1) Kontrolu uplate propisane naknade za pokretanje žalbenog postupka vrši URŽ.
- (2) URŽ dužan je kontrolu uplata izvršiti upoređivanjem dokaza o uplati sa evidencijom uplate u Glavnoj knjizi trezora.
- (3) Ukoliko URŽ ne identificira uplatu u Glavnoj knjizi trezora kontaktirat će Ministarstvo finansija i trezora - Odsjek za Glavnu knjigu trezora i u saradnji sa istim izvršiti dodatnu kontrolu uplata evidentiranih na Jedinstvenom računu trezora.
- (4) Kontrola uplate naknade je završena kada uplata bude identificirana i ispravno evidentirana u Glavnoj knjizi trezora.

Član 4.
(Povrat naknade)

- (1) Povrat naknade vrši se na osnovu rješenja o povratu naknade koje donosi URŽ
- (2) Jedan primjerak rješenja URŽ je dužan dostaviti Ministarstvu finansija i trezora BiH na realizaciju.
- (3) Rješenje o povratu treba da sadrži potrebne podatke za ispravnu realizaciju povrata: naziv pravnog ili fizičkog lica kojem se vrši povrat sredstava, broj bankovnog računa na koji se povrat vrši, iznos sredstava za povrat, kao i ostale elemente ukoliko je potrebno (vrsta prihoda, šifra budžetske organizacije, poziv na broj).

Član 5.
(Povrat više ili pogrešno uplaćene naknade)

- (1) Povrat više ili pogrešno uplaćene naknade Ministarstvo finansija i trezora vrši na osnovu rješenja URŽ o povratu više ili pogrešno uplaćene naknade.
- (2) URŽ donosi rješenje o povratu više ili pogrešno uplaćene naknade na osnovu pismenog zahtjeva uplatioca. U postupku donošenja rješenja URŽ utvrđuje osnovanost zahtjeva za povrat više ili pogrešno uplaćene naknade provođenjem postupaka kontrole iz st. (2), (3) i 4. člana 3. ove instrukcije.
- (3) Rješenje o povratu više ili pogrešno uplaćene naknade treba da sadrži potrebne podatke za ispravnu realizaciju povrata: naziv pravnog ili fizičkog lica kojem se vrši povrat sredstava, broj bankovnog računa na koji se povrat vrši, iznos sredstava za

povrat kao i ostale elemente ukoliko je potrebno (vrsta prihoda, šifra budžetske organizacije, poziv na broj).

Član 6.
(Stupanje na snagu)

(1) Ova instrukcija stupa na snagu osmog dana od dana objavljivanja u „Službenom glasniku BiH“, a primjenjivat će se od 27. novembra 2014. godine.

(2) Ova instrukcija objavit će se i u službenim glasilima entiteta i Brčko Distrikta Bosne i Hercegovine.

Broj: 08- 02-2-8303-1/14

MINISTAR

Sarajevo, 09.10.2014. godine

Dr. Nikola Špirić